

太上黃籙齋儀卷之五十二

四

唐廣成先生杜光庭剛

轉經夫於黃籙齋儀諸齋每日三時行道念以祈福社其行通後消息移時仍別壇上座誦經成儀如或風雨不常及別有法事即行通與轉經相續可矣陸壇轉經法師冠元始之冠黃籙齋得五色雲霞之旅是名法服眾官如常服

眾官於師前序立

知聲唱道

道場眾等人各運心歸命三寶滅一切念

入戶

上御案香

上香密呪

王華散景九炁凝煙香雲霏羅運衝九天侍香金童傳言玉女傳臣所奏上聞帝前令臣所啓咸賜如言今日告齋諸天臨軒三界五帝列言上清執籙把籍齊到帝前

三歸依

人各恭敬

至心歸依十方道寶當願眾生起心回向一切敬禮

至心歸依十方經寶當願眾生心開悟解受持轉誦

至心歸依十方師寶當願眾生普上法橋無有障礙

道場眾等執簡端心平坐如法

眾官各依位平坐

讚誦如法

宿命讚誦

宿命有信然 弱喪謂之無 皆欲眼前見

過目即言愆 大賢明道教 慘感憫頑夫

依依念子苦 勤勤令我愛

靜念如法

若轉靈寶衆經法師當思身坐青黃白三色雲氣之中左青龍右白虎前朱雀後玄武日月五星照映左右侍經仙官羅列壇

內已有圓光如日之象畢嚙液三過叩齒

三通密呪曰

寂寂至無宗 虛峙劫切阿 豁落洞玄文

誰測此幽遊 一入大乘路 孰計年劫多

不生亦不滅 欲生因蓮花 超凌三界徒

慈心解世羅 真人無上德 世世為仙家

若轉道德衆經法師當思太上老君玄中大法師尹真人河上公真人畢叩齒三十六通嚙液三十六過先心存左青龍右白

虎前朱雀後玄武足下八卦龜三十六獅

子伏在前頭中七星五藏生五氣羅紋覆

身上三一侍經各千乘萬騎天地各有萬

八千玉女玉童衛之密呪曰

玄玄至道宗 上德體洪元 天眞難速妙

近緣泥丸君 宮室皆七寶 寤牖自有分

清靜常正真 駕景乘紫雲 日月左右照

昇仙長年全 七祖生上天 世為道德門

若轉度人經法師當東向叩齒三十二通

上聞三十二天心拜三十二過閉目靜思

身坐青黃白三色雲氣之中內外翳冥有

青龍白虎朱雀玄武獅子白鶴羅列左右

日月照明洞煥室內項生圓象光映十方

如此分明密呪曰

無上玄元太上道君召出巨身中三五功曹

左右官使者侍香金童傳言玉女五帝真符

真日香官各三十二人開啓所言今日吉慶  
長齋清堂修行至經無量度人臣及甲乙轉  
經受生願所啓上徹運御  
無上三十二天元始上帝至尊凡前三十二  
過東向

若轉上清洞神諸經各依本法存思呪也

念諸天尊聖號

啓經讚

稽首虛皇天尊前

請轉寶經

轉眾經

送經頌

大量虛玄玄也

解坐讚

為諸來主作善因緣 如蒙開悟 仰荷玄恩

眾官起立

歎經功德出三洞科

詳夫三洞寶經萬天勝範結飛玄之氣成雲  
篆之章義冠無生文垂永劫故天地持之以  
分判日月因之以運行鬼神敬之以變通人

倫奉之以開度是以誅之者則形陟絳霄聞  
之者則神生碧落莫不人天仰賴生死依憑  
為羣品之津梁作眾真之戶牖不可得而言  
之者其惟大衆之軀乎粵有大道弟子某乙  
為國為家濟拔存亡按靈寶簡文考神仙品  
格齋紋繒鎮信油燭香花修黃錄大齋若干  
日夜九時行道九時轉經爾其開函演奧即  
響徹三清執卷吟玄乃聲聞五德當願侍香  
全童結香字於天中典經玉郎進經文於簡  
上即使愆銷昔劫福降令辰存亡荷開泰之  
恩動植悅生成之德洎乎愆愆庶品蠢蠢含  
生俱乘六度之舟並達  
三清之岸

三開經  
開經已後當願羣生萬罪並消善芽增長  
開經已後當願衆生深入法門歸依信受  
開經已後當願羣生永斷執迷常歸正道  
旋行禮誦七真讚或三首五首如步  
法師叩齒若在金  
華宮如嬰兒之狀

太上玄虛宗 弘道尊其經 俯仰已得仙

歷劫無數齡 魏魏太真德 寂寂因無生  
霄景結空構 乘虛自然征 日月為炳灼  
安和樂未央 學仙絕華念 念念相因積  
神躒靡不歷 滅念停虛闕 去來亂我神  
請經若饑渴 持志如金石 保子飛玄路  
五靈度符籍 故能解三羅 清齋植太素  
濟我六度行 道遠金闕內 玉京為余家  
吐納養雲牙 人人坐蓮花 仰瞻玄都柰  
自然生七寶 容顏曜十日 冥計年劫多  
俯酣空洞瓜 鳴鐘徹大魔 太真撫雲瓊  
法鼓會天仙 璨爛開繁衿 散慧玉華林  
靈風扇香華 雅歌三天景 前世福未足  
眾仙彈靈琴 由此步玄音 團飛乃反沈  
七祖升福堂 信道情不盡 抱景偶清虛  
斯書邈難尋 弘之在兆心 終不度我身  
太上無為道 奉師如至親 陰惡罪至深  
學道由丹信 衆人未得度  
孜孜隨日新 玄德必信然

對來若轉輪

學道甚亦苦

積善而成山

修是無為道

名曰智慧篇

靈姿世所奇

人行各有本

發願莫不從

賢士奉法言

上為大極公

金華擎洞經

鳴玉叩瓊鐘

疎身凌太清

遊玄極道遙

巍我陰雲華

玄階興扶搖

滅智弘大混

學仙行為急

仙聖自相尋

晨夜建福田

子能耽玄尚

富與善結緣

拔苦由大才

睥若淵中蓮

皆由宿世功

善惡俱待對

道亦在兼忘

寶蓋連玉輿

捧香悉仙童

超景逸紫霄

萬劫猶昨夜

手攀寶林條

靈幡順風散

無為為清誥

奉戒制情心

若不信法言

種德猶植樹

飄爾升青天

太上至隱書

超俗以德真

立德務及時

倚伏理難窮

解是大智慧

命駕御九龍

保無持法網

千春如晨朝

香烟自然生

繫相應時消

胡為棲山林

胡為棲山林

胡為棲山林

胡為棲山林

胡為棲山林

胡為棲山林

四向讚

於玄師前散如常儀

太極左仙公曰真頌八篇皆太上太極真人

之辭衆仙常所誦誦不宣泄於下仙松藏金

闕五房之內宜傳至人修靈寶齋者也不可

示浮華之徒慎之慎之

太極真人曰侍經仙童玉女聞此禮經讚詠

之音皆惟悅而祐此身也是大經悉當用此

讚而禮拜矣若冥心誦經者亦心詠之乃上

仙之秘辭修真之妙音也出靈寶齋玉女

天尊曰經者吾道教導引愚迷能發衆生無

量道意從悟起因悟成真衆聖修行皆登

道果故元始以一炁生化三炁分為三天一

曰始炁為清微天號玉清境天寶君所化吾

以龍漢之初號無形天尊於此天中出洞真

寶經十二部以教天中九聖或號萬天玄師

无上法王經九萬九千九百九十九億萬歲

二曰元炁為禹餘天號上清境靈寶君所化

吾以延康之初號

无名天尊於此天中出洞玄靈寶真經一十

二部以教天中九真或號三界醫王太上真

尊經八萬八千八百八十八億萬歲三曰玄

炁為太赤天號太清境神寶君所化吾以赤

明之初號梵形天尊亦稱觀世真人出洞神

寶經一十二部以教天中九仙或號十方導

師至極天尊經七萬七千七百七十七億萬

歲開皇改號吾號虛皇理元陽宮中敷揚三

洞下化人間號太上道君經六萬六千六百

六十六億萬歲逮至上皇吾總號元始理紫

微宮中廣布經戒救度羣生三洞寶經凡三

十六部亦曰三乘洞真寶經謂之大乘洞玄

寶經謂之中乘洞神寶經謂之小乘結飛玄

之炁自然成章玉字金書龍文鳳篆大方一

丈八角垂芒教化諸天流通世界始終歷劫

常轉法輪或寶或權有廣有略因機取悟隨

世修行雖天地運終而三洞不滅開度羣品

道引人天三界十方俱受利益其受每劫之

初洞真下化人懷道德共處無為悉奉正真

長生得道次則洞玄下化人物漸離散朴澆

淳失道叛德末則洞神下化人物轉更澆浮

不奉正真年命短促自是之後人心破壞三



洞不行智慧日與人鬼交雜運度促急不滿  
 百年念念無常死亡不絕吾重出宣行三洞  
 布化人間隨代機緣救弘經教或大或小順  
 物所宜故元始本文未盡下教其三清上境  
 四梵天中真聖修行其文具足山川洞府海  
 嶽山宮雖有所修亦不備足謂隨方所得之  
 故命老子託化人間救度衆生演出科戒  
 或夷或夏或聖或凡周徧十方悉令開度三  
 洞妙法散在人间勸諸男女使勤修習凡夫  
 積罪業累沉迷與道無緣不能信奉唯從偽  
 法諸雜邪神徒竭身心終歸地獄其信行三  
 洞悉入禍室或白日昇舉尸解遁形隱跡洞  
 宮遊行世界長生變號永劫長存鍊氣易形  
 轉神入道人莫能識無量無邊吾過去後魔  
 教轉興天下同遵人民天折兵戈水火疾病  
 死傷國破家亡朝夕相繼竭其府庫以奉妖  
 邪偽亂日興流訛時扇饑寒苦惱父子流移  
 天下愚愚永無悟矣吾念爾輩積劫沈淪說  
 是要言以示警覺然三洞妙法法有二種一  
 者真法二者化法真法者離諸虛妄永劫長

存化法者文字流通隨時變滅化法之中凡  
 有五種一者結飛玄之悉雲篆成章離合自  
 然變見不測在三清上境常住鎮經億劫長  
 存聖真扶護二者靈書一丈八角煥明在三  
 界十方諸天五億隨劫昇降應感流傳三者  
 諸天宮殿樓閣臺房門戶之間書題誦詠制  
 伏人物出入修行四者花文葉字玉削瓊編  
 方丈蓬萊閭風玄圃乍隱乍顯隨劫存亡教  
 習神仙伏諸魔鬼五者紙墨練素竹木漆者  
 散在人间流傳誦詠劫初即下劫末還昇保  
 國安人開度羣品經者元始之言教化衆生  
 使識根本始宿命因緣罪福報對善惡吉  
 凶生化門戶方便所由今改惡從善保安性  
 命長生無為歸之於道永劫執模保之者福  
 降修之神仙矣出紫微

升傳記十一者讚頌十二者章表自然本文  
 天書八會鳳篆龍章是為天地萬物之本開  
 化人神成立諸法主召九天神仙上帝校定  
 圖籙調正璇璣攝制鄴都降魔伏鬼勅命水  
 帝召龍上雲天地劫期聖具名諱所治城臺  
 衆真境界廣宣分別種種降差服御元精化  
 形之法神符者雲篆之文神真之信召攝衆  
 魔威制神鬼總元御運保命留年玉訣者天  
 真上聖述釋天書八會之字以為正音開示  
 大道靈圖者衆聖化迹應見無方圖寫變通  
 令總悟解譜錄者衆聖記述仙真名諱宗本  
 曹胤神宮位緒戒律者條制勅約防非檢過  
 詮量罪福分別輕重成儀者具示齋戒進退  
 楷模俯仰節度軌式容止方法者衆聖著述  
 丹藥祕要神草靈芝柔金玉修養之道術  
 數者明辯思神存真念道心齋坐志遊空飛  
 步餐吸六氣導引三光鍊質化形仙度之法  
 傳記者是諸衆聖載述學業得道成真通玄  
 入妙修因方所證果時節讚頌者衆真大聖  
 巧飾法言稱揚正道令總信樂發起回向生

尊重心章表者師資傳授妙寶奇文登壇告盟啓誓傳度懺謝請福開告之辭此十二事總統衆法一切意趣無不備周化引三乘入一乘道

三洞真經部帙品目

- 洞真寶經十二部 九百八十三卷  
 太一部第一 妙林部第二  
 太清部第三 微視部第四  
 上清部第五 開化部第六  
 元陽部第七 妙真部第八  
 闕山部第九 十仙部第十  
 玉林部第十一 黃老部第十二  
 洞玄寶經十二部 九百八十卷  
 靈和部第一 靈寶部第二  
 遁神部第三 無量部第四  
 集仙部第五 內秘部第六  
 真志部第七 集善部第八  
 鍊精部第九 生尸部第十  
 宮園部第十一 鍊魔部第十二  
 洞神寶經十二部 九百八十四卷

- 太真部第一 至德部第二  
 黃庭部第三 鍊氣部第四  
 道德部第五 元神部第六  
 大劫部第七 內簡部第八  
 神呪部第九 三皇部第十

按摩部第十一 小劫部第十二  
 右三洞三十六部共一百八十七萬六千三百八十卷

歷代聖人神仙所受經

- 老君授上三皇玄中大經  
 老君授中三皇太素經  
 老君授下三皇金闕秘經  
 老君授中三皇開元經  
 老君授後三皇攝提本經  
 老君授伏羲元陽經三十四卷  
 老君授神農元精經三百六十卷  
 老君授祝融安神經  
 老君授黃帝道德經  
 太真皇人授黃帝三一經龍躡經  
 老君授顛項微言經三十卷

- 老君授天老天元經  
 老君授帝嚳黃庭經五十卷  
 老君授帝堯玄德經  
 老君授帝舜政事離合經  
 老君授夏禹德戒經

十二

- 老君授殷湯長生經四十卷  
 老君授文王赤精經  
 老君授武王虛無經  
 老君授昭王八天隱文經  
 老君授尹喜出塞經化胡經西昇經元陽經

道德經內解經九室經

- 老君授南榮赴衛生經  
 老君授宋王六甲經  
 老君授始皇鬼林經  
 老君授千言太平經  
 老君授漢張天師王訣九千篇符圖七十章  
 神呪四千首科律教戒一千二百卷  
 老君授寇謙之新科一百二十卷  
 西王母授漢武帝上清經四十六卷

王君授魏夫人上清經三十二卷  
 三真人授葛仙翁靈寶經十六卷  
 太極真人授抱朴子靈寶經十四卷  
 三真人授仙人李順興上清經七卷  
 三茅君授仙人周子良上清經四卷  
 河上公授漢文帝道德經章句二卷  
 自三古已降迄于巨唐寶軸靈文或隱或見  
 或出於史冊或著在別傳至宋朝簡寂先生  
 校讎之際述珠囊經目萬八千卷其後江表  
 干戈泰中兵革真經秘冊流散者多後周武  
 帝立通玄觀收集衆經猶及萬卷洎隋火版  
 盪唐室龍興剪掃氛杖底寧寰宇至開元之  
 歲經訣方興玄宗著境網經目凡七千三百  
 卷復有玉緯別目記傳疏論相兼九千餘卷  
 尋值二胡猾夏正教凌遲兩京秘藏多遇焚  
 燒上元年中所收經錄六千餘卷至大曆年  
 申甫先生海內披揚京師繕寫又及七千卷  
 長慶之後咸通之間兩街所寫統五千三百  
 卷近屬巨寇凌犯大駕南巡兩都煙煤六合  
 榛棘真官道宇所在凋零玉笈琅函十無三

二余傷歎艱會深寓成都危蹕還京淹留未  
 幾再為搜括備涉艱難新舊經詰僅三千卷  
 未獲編次又屬省方所得之經尋亦亡墜重  
 遊三蜀更欲搜揚累租兵鋒未就前志時大  
 順二年卒友八月三日庚辰成都玉局化閔  
 省科教聊記云耳

太上黃籙齋儀卷之五十二

正一天師清微弟子百堅製作  
 道教學術資訊網站

太上黃籙齋儀卷之五十三

唐廣成先生杜光庭撰

讚導

經科皆云齋官之內以道德尊高者為法師  
 明練法度為都講也又都講職詞云先鳴法  
 鼓次引朋眾風則執儀敬憑讚說此即讚唱  
 導引皆都講之務也吳中江表荆楚之間皆  
 以都講執磬讚導行禮夫先鳴法鼓者鍾磬  
 之謂也欲令羣官整肅儀制森然須先擊磬  
 齊衆而後讚唱陸壇亦都講之職也但以近  
 年或都講年德稍高不欲一一勞止即於衆  
 官之內差一人執磬唱禮蓋事出一時元非  
 古制詳其職簡頗謂曠官更有後學生情妄  
 為臆斷於六職之外置一人持磬殊無經據  
 說謬益深又高功法師職在敷奏進止俯仰  
 居衆之先或昏耄不任自可求退豈容假手  
 翻類冗員令蜀地高功止於發爐復爐兩稱  
 名位其他宣讀皆委他人雖云先唱後隨何  
 異龍吟龍應此蓋不懼冥誼自擬罪尤人事  
 尚且未容天道如何通感後之法主深可戒